

1
2
3
4
5
6
7

Tied veur rechtvèerdigheid
VERKIEZINGSPROGRAMMA
PROVINCIALE STATEN VAN DRENTHE
2019



Woord veurof

Veur je hej het SP-verkiezingsprogramma veur de previncie Drenthe. Het programma is vaststeld deur oeze leden op de regioconferentie. Wij gaot oes weer volop inzetten veur een grune, sociale en duurzame previncie, waarin elk mèense gelieke kansen kreg. Met een èerdaodig bestuur dat der is veur alle inwoners, ongeacht inkomen, leeftied, ofkomst, geslacht, geordheid of godsdienst. Een previncie waoras elk het recht hef veilig te wonen, te warken en zuchzölf te weden.

De kommende tied bint der een hieleboel onderwarpen die anpakt worden moet, vaak in samenwerking met gemientes en waterschappen. Hoe pas wij de ruimte die neudig is veur het opwekken van duurzame energie zo goed meugelijk in? Op wat veur manier kunt umwonenden metdoen en metprofiteren van dizze goedkope energie? Lukt het oes um de asbestdaken véúr 2025 te saneren? Hoe kuw de armoede en laaggeletterdheid het beste bestrieden? Hoe hold wij voldoende ziekenhuuszorg en voldoende warkgelegenheid?

Met een stem op de SP kies ie veur een partij die actief en praktisch in de samenleving stiet. Wij vecht tegen wantrouwen en zwartkiekerij en kiest veur hoop. Wij wilt een rechtvèerdige samenleving. Want een samenleving waarin miljarden vortgeven wordt an grote bedrijven, intied dat oeze zorgverleners, plietsieagenten, buschauffeurs en leraren vechten moet veur een grummegie waardering en respect, is niet rechtvèerdig.

Op 20 maart 2019 kies ie de neie leden veur de Provinciale Staten. Daarbij telt joen stem dubbel want de Statenleden die aj kiest, kiest op heur beurt op 27 mei 2019 de leden van de Eerste Kamer.

Met joen steun:

- Blief wij oes inzetten um, samen met de gemientes, armoede, ienzaamheid en laaggeletterdheid te bestrieden.
- Zet wij oes in um de ziekenhuuszorg die aw nou hebt, te beholden.
- Doew der alles an um de jongelui in oeze previncie te holden of naor oeze previncie toe te kriegen.
- Zorg wij dat der voldoende middeln bint veur het beholden en herstellen van natuur, landschap en versterking van de biodiversiteit.
- Zorg wij veur een schoner milieu en een gezonde omgeving.
- Verbeter wij de kwaliteit van oes oppervlakte- en grondwater.
- Ondersteun wij boeren die overschakeln wilt op biologische landbouw.
- Gaow veur een circulaire economie en investeer wij in grune waterstof.
- Wordt inwoners in een zo vrog mogelijk stadium betrökken bij energieprojecten in heur omgeving en deelt ze met in de opbrengst.
- Zorg wij veur schoon en betaalbaar openbaar vervoer dat regelmaotig red.
- Gaow in Drenthe veur rechtvèerdigheid.

Wij reket op joen steun!

SP Drenthe

Lienpost: drenthe@sp.nl

Webstee: www.drenthe.sp.nl

Twitter: [@sp_drenthe](https://twitter.com/sp_drenthe)

1 **Inhold**

2

3

4 WOORD VEUROF.....1

5 1. MILIEU EN ENERGIE..... 3

6 2. NATUUR 4

7 3. RUUMTE EN WATER..... 5

8 4. VERKEER EN VERVOER..... 6

9 5. ECONOMIE EN LANDBOUW..... 7

10 6. CULTUUR EN MAATSCHAPPIJ 8

11 7. BESTUUR 9

12

13

14

1 Milieu en Energie

Het grootste en meest dringende probleem van dizze tied is de opwarming van de èerde met alle gevolgen veur het klimaat van dien. Wij moet versneld overgaon op duurzame energie en tegeliek energie besparen. Bedrieven die slim veul energie gebruikt en het milieu het miest besmoddert, moet anpakt worden en heur eerlijke diel hier veur betalen. Wij moet klimaatarmoede veurkommen. Milieuregels moet strikt naoleefd worden, veur bedrieven die veiligheid niet nauw genog neemt, is gien ruimte.



Belangrieke punten:

- De subsidieregelingen en gunstige leningen veur maotregelen die energie bespaart, veur asbestsanering en veur duurzame energie moet blieden en het liefst uitgebreid worden. Waor het kan, wordt asbest metien vervangen deur zonnepanelen.
- Wij wilt een ambitieus provinciaal klimaatbeleid dat bijdrag an een energieneutraal Drenthe. Dat betiekent ok daw nou nóg meer inzetten moet op energiebesparing.
- De regionaole uitvoeringdienst möt meer middeln kriegen um de wettelijke verplichting die veur bedrieven geldt um energiebesparende maotregelen te nemen, ok handhaven te kunnen.
- Wij vergroot de betrökkenheid van mèensen bij het ontwikkelen en uitvoeren van duurzame projecten. Umwonenden moet in een vrog stadium metpraoten kunnen over de plannen in heur eigen umgeving.
- Het metdoen an het opwekken van zonne-energie, al dan niet via lokaole opwek, möt volop steund worden. Oeze veurkeur giet uut naor coöperaties waor elkien an metdoen kan.
- Veur het energieneutraal maken van Drenthe is der genoeg ruimte op daken en ongebruukte grond. Daorum is het niet neudig dat landbouw- en natuurgrond gebruikt wordt veur zonne-akkers. Het effect van zonne-akkers op de umgeving möt goed onderzöcht worden.
- Wij wilt niet nóg meer grote windmeulens in Drenthe. Kleine windturbines op bijveurbield industrietereinen moet wel meugelijk blieden.
- Grune Waterstof is een belangrieke bouwstien veur de energietransitie. Drenthe warkt actief met an het ontwikkelen van de waterstofeconomie.
- Wij wilt gien (proef)boringen naor schaliegas umreden de milieu- en veiligheidsrisico's en de antasting van het landschap die dat met zuch metbrengt.
- Wij wilt niet dat der neie vergunningen afgeven wordt veur gaswinning in Drenthe.
- CO2 en chemisch- of radioactief afval mucht niet in de bodem opslagen worden.
- Vanof 2025 geldt der een verbod op asbestdaken. Samen met de gemientes moew der veur zorgen dat asbestdaken veilig saneerd wordt en dat het asbest niet in het milieu terecht komp.

Veurbielden van wat aw de veurbije periode daon hebt:

- Wij hebt der veur pleit um extra geld opzied te leggen veur de energietransitie.
- Verscheiden maolen hew vraogd um te zuken naor alternatieven veur de grote windparken in de Veenkolonies.
- Deur met te doen an de demonstratie 'Sluit kerncentrale in Lingen Duitsland' hew niet allén solidariteit zien laoten, maar ok de meugelijke gevaoren veur Drenthe onder de aandacht bracht.
- Oeze motie veur ansluting van Drenthe bij de statiegeldalliantie is anneumen.
- Oeze zorg over de plannen veur gaswinning en de wieziging van de hoeveulheid gasopslag bij Norg hew via vraogen te kennen geven.

2. Natuur

Respect veur alles wat leeft is een zaak van beschaving én van het gezond verstand. De natuur stiet onder druk. Het antal soorten dieren en planten wordt hard minder. Daorum möt het Nationale Natuur Netwark inclusief de verbindingzones snel realiseerd worden. Activiteiten die het leven en welweden van mèens en natuur nou en in de toekomst bedreigt, moet veurkommen worden.



Belangrieke punten:

- Der moet voldoende middeln beschikbaar weden veur het beholden en herstellen van natuur, landschap en versterking van de biodiversiteit.
- Gruun in en um de dörpen en steden is van beslissend belang veur de leefbaarheid. Wij gaot oes uterste best doen um het gruum dat der is, te beholden en zo meugelijk nog wieder uut te breiden.
- Rondum de belangriekste natuurgebieden - de Natura2000 – wil wij een bufferzone waarin biologische landbouw anfieterd wordt. Hierdeur wordt meer natuurdoelen bereikt.
- Samen met gemientes en waterschappen breid wij het ecologische barmbeheer wieder uut. Deur minder te mèeien en beter te zèeien kriegt meer insecten en dieren de ruimte.
- Wij bevordert het gebruik van biologische bestriedingsmiddelen. Wij wilt een verbod op het gebruik van zogeheten 'neonicotinoïden'.
- Fosfaat- en stikstofkringlopen moet sleuten worden um het besmodderen van de omgeving deur landbouw tegen te gaon.
- Boeren wordt anfieterd en ondersteund wanneer akkerranden zo anlegd wordt dat de biodiversiteit der beter van wordt.
- Wij benaodruckt het belang van het behold van schaopskuddes zowel veur het behold van natuur en landschap as wegens de cultuurhistorische weerde die de schaopskuddes hebt veur Drenthe.
- Dieren kent gien grèenzen. Wilde zwienen die de grens oversteekt, moet bescharmnd worden en niet ofscheuten worden. Ok de wolf is welkom, met holders van kleinvee wordt ofspraken maakt veur de bescharming van heur vee.
- In geval van schade deur dieren möt der een goeie schaderegeling weden.
- Wij zet in op meer veilige oversteekplaotsen veur wild, zoals dassen en padden.
- Wij wilt een verbod op plezierjacht. Veur beheerjacht geef wij de veurkeur an natuurlijk en diervriendelijk beheer.

Veurbielden van wat aw de veurbije periode daon hebt:

- Wij hebt de motie veur een programma veur meer biodiversiteit ondersteund.
- Wij hebt pleit veur ansluting bij 'Operatie Steenbreek'. Minder stienen en meer gruum in de Drentse tunen.
- Nao een motie van D66, PvdA, SP en GroenLinks is de provincie in actie kommen um de boerenlandvlinders, mar ok andere insecten te redden ("Heel Drenthe zoemt").

1 **3. Ruimte en Water**

2 De leefumgeving is belangriek veur het welweden
3 en de kwaliteit van leven van de inwoners van
4 Drenthe. De ruimte die aw hebt, wil wij zo goed
5 meugelijk benutten deur de verschillende functies
6 tegen mekaar of te wegen. Inwoners moet zo vrog
7 meugelijk betrökken worden bij projecten in heur
8 omgeving. Wij moet meer doen veur de verbetering
9 van oes oppervlakte- en grondwater. Wij warkt nauw
10 samen met gemientes en waterschappen.



12 **Belangrieke punten:**

- 14 • Samen met gemientes fieter wij woningcorporaties an um leegstaonde woningen in
15 krimpgebieden op te kopen, um het verlies aan ruimtelijke kwaliteit van dörpen en het
16 platteland tegen te gaon.
- 17 • Het umbouwen van leegstaonde kantoren, winkels en schoelen en de umvorming van
18 verolderde bedrijfsterreinen naor een neie (woon)bestemming wordt stimuleerd. Dat is goed
19 veur de leefbaarheid, zorgt voor een beter gebruik van de beparkte ruimte en levert een
20 bijdrage an de gruiende vraag naor betaalbare woningen.
- 21 • Deur het grote tekort aan goedkope woningen is der veul permanente bewoning op
22 recreatieparken. Umdat elkien recht hef op een woning (art. 25 Universele rechten van de
23 mens) moet previncie en gemientes samen met dizze bewoners zuken naor een passende
24 oplossing.
- 25 • Via de Noordelijke Retail deal help wij dörpen en steden bij de anpak van de leegstand in heur
26 kernwinkelgebieden. Wij wilt gien detailhandel buten de kernwinkelgebieden (Weidewinkels).
- 27 • De toegankelijkheid van overheidsgebouwen, bedrieven en instellingen veur mēensen met
28 een beparking vrag deurlopend oeze andacht.
- 29 • De kringlooplandbouw wordt stimuleerd um het mestoverschot terug te dringen en de kwaliteit
30 van het water te verbeteren.
- 31 • Wij treedt hard op tegen lozingen van drugsofval, landbouwvergif en ander besmoddern van
32 grond- en oppervlaktewater. Wij zet ok in op het terugdringen van de resten van medicinen in
33 ofvalwater.
- 34 • In hiel Drenthe moet der meer maotregeln neumen worden tegen het dreuger worden van de
35 grond deur zuut water langer vast te holden. Dit is goed veur zowel de landbouw as de natuur.
- 36 • Met natuurvriendelijke oevers wil wij de waterkwaliteit verbeteren en antrekkelijk maken veur
37 watergebunden leven.

38 **Veurbielden van wat aw de veurbije periode daon hebt:**

- 39 • Wij hebt schriftelijk vraogen steld over een meugelijke tariefsverhoging van het drinkwater en
40 de problemen die der bint bij het WMD.
- 41 • Wij hebt een motie indiend um met apothekers te overleggen of der een provinciaal
42 inzamelsysteem veur medicienafval kommen möt. De motie is niet anneumen.
- 43 • Wij hebt andacht vraogd um vaste bewoners van vakantieparken een perspectief te bieden.
- 44 • Wij hebt der op andrungen een verbod op weidewinkels in stand te holden.
- 45
- 46

4. Verkeer en Vervoer

In Drenthe hej de ruimte. Dat betiekt wal dat inwoners mangs flinke afstanden afleggen moet. Um de dörpen leefbaar te holden viw het belangriek dat der voldoende veurzieningen bint en dat der goed en betaalbaar openbaar vervoer is dat regelmaotig red. De marktwerking in het spoor- en busvervoer wil wij tegengaon: niet concurrentie mar goeie samenwerking is volgens oes de beste manier um goed en betaalbaar openbaar vervoer te organiseren.



Belangrieke punten:

- Wij wilt zo gauw meugelijk over op duurzaam openbaar vervoer. Wij gaot onderzoeken ow al véúr 2030 over kunt naor vervoer zunder CO2 uutstoot.
- De sociale veiligheid in het openbaar vervoer en op haltes en stations möt verbeterd worden deur de inzet van voldoende en goed geschoold personeel en bijveurbiedt deur verlichte haltes.
- Het plan um 500 parkeerplaotsen aan te leggen bij de Punt viw niet neudig. Bij het transferium an de A28 bij Haren staot elke dag veul parkeerplekken leeg. Nut en noodzaak voor een nei transferium is niet antoond.
- Wij ziet kansen veur een treinverbinding tussen Zuudoost Drenthe, Twente, de Veenkolonies en Grunningen.
- Wij vindt het onverantwoord um nog meer gemienschupsgeld te steken in een vliegveld waarvan het achterland te dunbevolkt is.
- Wij blijft investeren in een veilig en aantrekkelijk netwerk van fietspaden. Zowel veur de recreatieve fietser als veur de lui die met de fiets naor het wark gaot.
- Um het wandelen aantrekkelijk te maken moet der een veilige en aantrekkelijke infrastructuur kommen veur de wandelaars. De previncie warkt met an het beholden en uutbreiden van een samenhangend fienmaozig netwerk van wegen en paden.
- Samen met gemientes wordt onderzöcht of het op meerdere plekken meugelijk is um veurzieningen veur de vaarrecreatie te combineren met veurzieningen veur campers.
- Het onderhoudsniveau van de provinciale wegen en kanalen zoas dat nou is, wordt handhaafd. Deur de barms minder te mëeien en beter te zèeien kriegt meer insecten en dieren de ruimte.
- Inwoners moet zo vrog meugelijk betrökken worden bij infrastructurele projecten in heur umgeving.

Veurbieden van wat aw de veurbije periode daon hebt:

- Wij hebt een motie indiend tegen de bezunigen op het busvervoer en veur beroepschauffeurs an het stuur. De motie is verwörpen.
- Wij wolden uutstel van extra overheidsgeld veur Groningen Airport Eelde totdat het luchthavenbesluit goedkeurd is deur de minister.
- Bewoners van Klijndiek en Schipbörg hew ondersteund in heur verzet tegen plannen rond de N34.

1 **5. Economie en Landbouw**

2 **Het midden en kleinbedrijf (MKB) is de ruggengraat**
3 **van de economie, anjager van verneiging en de**
4 **grootste banenmotor. Het MKB weerspiegelt de**
5 **menselijke maat; door heur schaal en aord staot**
6 **dizze bedrieven midden in de samenleving, tussen**
7 **de mènsen. Wij moet zunig weden met beparkte**
8 **grondstoffen. Daorum wark wij toe naor een**
9 **circulaire economie waoras grondstoffen zoveul**
10 **meugelijk opnei gebruikt wordt. Wij wilt een**
11 **systeem waorbij een eerlijke pries veur een eerlijk**
12 **product meugelijk is en waoras het boeren volgens**
13 **biologische, natuur inclusieve en circulaire**
14 **methodes ok warkelijk loont. Het welweden van de dieren stiet, wat oes angiet, daorbij veurop.**



16 **Belangrieke punten:**

- 18 • De overgang naor een circulaire economie kreg een belangrieke plaats in oes beleid. Net as
19 duurzaamheid möt circulair denken en doen een vast onderdeel worden in de plannen veur
20 onderwijs en arbeidsmarkt, overienkomsten met partners en overheidsopdrachten. Wij zuukt
21 naor meugelijkheden um hierin nog meer samen te warken met andere regio's, ok met de
22 Duitse grensregio's.
- 23 • Wij wilt of van het gebruiken van plastic. Bij activiteiten die deur de provincie ondersteund
24 wordt, wordt gien ballonnen meer oplaoten. Plastic wegwarpartikeln as bekers, wordt zoveul
25 meugelijk weerd.
- 26 • Drenthe warkt volop met an het uut het stro zetten van de waterstofeconomie. As dat met
27 iever anpakt wordt, kan dizze grune energie-industrie zorgen veur economische grui,
28 warkgelegenheid en een schoon alternatief bieden veur oeze inwoners.
- 29 • Wij zetten in op het anfieteren van de Biologische landbouw. Biologische boeren kunt de eerste
30 jaoren heur producten nog niet verkopen as biologisch. Wij wilt een overgangsregeling veur
31 dizze periode.
- 32 • Boeren moet heur bedrijfsactiviteiten gemakkelijker uitbreiden kunnen en daormet een diel
33 van heur inkomen verdienen kunnen deur bijveurbield natuur- en landschapsbeheer en
34 activiteiten die richt bint op recreatie en toerisme.
- 35 • Wat oes angiet stiet het welweden van de dieren veurop. Wij wilt gien megastallen.
36 De veeholderij möt anpast worden an de natuurlijke behoeften van het dier, en niet aansum.
- 37 • Ondernemingen die zich richt op recreatie en toerisme bint goed veur de warkgelegenheid en
38 zorgt veur reuring in de omgeving. Zij draagt bij an de leefbaarheid en de economie mits het
39 binnen de directe omgeving past en de natuur niet overbelast wordt.
- 40 • Het bestrieden van warkloosheid onder jongern en oldern möt extra aandacht kriegen.

42 **Voorbielden van wat aw de veurbije periode daon hebt:**

- 44 • Vanuut de SP bint moties indiend veur een versnelling richting een circulaire economie en
45 veur meer biologische landbouw. Beide moties hebt het niet haald.

46

6. Cultuur en Maatschappij

Drenthe is een provincie die te maken heeft met vergrijsing en een afnemen van het groen. De beschikbaarheid en bereikbaarheid van voorzieningen en de (acute) zorg in Drenthe staat onder druk.

Het anfieteren van en alle ruimte geven aan allerhande vormen van creativiteit is een verrieking van oes leven. Een bried aanbod van kunst en cultuur moet daarom beschikbaar en toegankelijk weden veur een groot publiek.



Belangrieke punten:

- Wij fietert lokaole initiatieven op het platteland an as het giet um veurzieningen, samenhag, warkgelegenheid, armoede en zorg. Inwoners moet de ruimte kriegen om zölf met oplossingen te kommen, te investeren in vrijwilligers en mènsen met mekaar te verbinden.
- Wij zet oes samen met de gemientes actief in um armoede, laaggeletterdheid en ienzaamheid in oeze provincie an te pakken. Wij ondersteunt initiatieven die de gezondheid verbetert.
- De provincie möt der heur uterste best veur doen um veur de regio voldoende (ziekenhuus)zorg te beholden.
- Um de leefbaarheid op het platteland te verbeteren blief wij het organiseren van de zorg(veurzieningen) dichtbij ondersteunen.
- Zorgbelang Drenthe blief wij subsidiëren. Zij zorgt veur onafhankelijke belangenbehartiging veur mènsen met een zorgvraag, stimuleert verneiene initiatieven in de zorg en investeert in neie veurstellen en oplossingen met betrökkenheid van inwoners.
- De vergrijsing kuw niet stoppen, mar wij moet der wel veur zorgen dat jongelui in oeze provincie wonen, studeren en warken kunt.
- Elk die dat wil, möt sporten kunnen. Wij investeert in de Briedtesport. Wij bint terugholdend bij het subsidiëren van topsport, zeker in takken van sport waoras de commercie de toon angef.
- Wij maakt het meugelijk dat iedere schoel andacht besteden kan aan natuuronderwies. Hierbij wordt ok andacht besteed an het welweden van de dieren.
- Wij koestert organisaties as 'Drentse Vereniging voor Dorpsbelangen en Dorpshuizen' (BOKD), die tegen lage kosten een hoog rendement levert bij de begeleiding van actieve dörps- en bewonersorganisaties die de leefbaarheid en de sociale samenhag bevordert.
- Kunst- en Cultuuronderwies, deelname aan culturele activiteiten, en talentontwikkeling ondersteun wij. De grotere museums bliew subsidiëren mar ok de kleine museums verdient oeze andacht.
- De theaters in Drenthe bint belangrieke regionaole veurzieningen. Wij bint veur een intensief gebruik met een antrekkelijk aanbod, waarbij lokaole muziekverenigingen, Drentse artiesten, mar bijveurbield ok popmuziek een stee vindt.
- Archeologisch en cultureel arfgoed wordt goed bewaard en vastlegd.

Veurbielden van wat aw de veurbije periode daon hebt:

- Oeze motie 'Drenthe actief tegen armoede' is met algemiene stemmen anneumen.
- Wij hebt metdaon an de demonstratie veur het behold van verloskunde in Hoogeveen en hebt een opinieartikel 'De ziekenhuuszorg in de regio moet blijven' publiceerd.
- Der bint vraogen steld over de manier waarop schuldhelpverlening in Drenthe regeld is.
- Om jong talent te stimuleren hew via een motie probeerd een studiefonds Kunst en Cultuur te realiseren. Dizze motie hef het niet haald.

7. Bestuur

Um de democratie goed warken te laoten, möt de besluitvorming helder en inzichtelijk weden en de ofstand tussen bestuur en inwoners zo klein meugelijk. De previncie möt zunig umgaon met het beschikbare geld. Samen met inwoners, gemientes en waterschappen, bedrieven en instellingen zorg wij derveur dat Drenthe duurzaam, sociaal, schoon, gruu en veilig blef.



Belangrieke punten:

- Wij wilt de inwoners via referenda en (lokaole) heurzittingen meer zeggenschap geven over het provinciale beleid.
- Het opleggen van geheimholding en vertrouwelijkheid an statenleden en het holden van besleuten vergaderingen wordt tot het minimum beparkt.
- De Commissaris van de Keuning en de leden van Gedippeteerde Staten mugt allén maatschappelijke nevenfuncties hebben zolang zij daor niet méér as een onkostenvergoeding veur kriegt. De nevenfunctie mag niet leiden tot verstrengeling van belangen, zölfs niet tot de schien daorvan.
- Het toezicht en de controle op de juuste besteding van provinciale subsidies en de correcte naoleving van de veurweertes van subsidie möt nog beter worden.
- Veur organisaties en instellingen die elk jaor subsidie kriegt van de previncie is de norm van de topinkommens het maximaal inkomen van een gedippeteerde. Dit kan via de subsidieverordering vastlegd worden.
- Inhuur van externe deskundigen kan mangs neudig weden, maar möt tot het alleruterste beparkt worden en mag op jaorbasis nooit meer bedragen as maximaal tien procent van het totaole bedrag dat uitgeven wordt an personeelskosten.
- De opcenten motorrietugenbelasting wordt niet verhoogd, met uutzundering van de inflatiecorrectie.
- De previncie blef zuch inzetten veur het verbeteren van de sociale acceptatie van lesbische vrouwen, homoseksuele mannen, biseksuelen, transgender en intersekse personen (LHBTI's)

Veurbielden van wat aw de veurbije periode daon hebt:

- Wij hebben meerdere maolen schriftelijke vraogen steld over de Watermaatschappij Drenthe en de financiële problemen rond heur Indonesische waterprojecten.
- Wij hebt vraogen steld over de subsidie an Sensor Universe. Uutèndelijk is der, ondanks 175 miljoen an overheidsgeld, niks terecht kommen van alle sensorprojecten.
- Wij hebt een motie met-indiend um de veiligheid, weerbaarheid en sociale acceptatie van LHBT-inwoners te bevordern. De motie is steund deur alle fracties.